

道園遺藁

二

道園遺藁卷之三

雍虞

集伯生

律詩七言

代祀西嶽蒼袁伯長王繼學馬伯庸三學士
紫禁沉沉曙色低奉祠羣使已班齊承恩歸院迷烟
樹乘傳開闕蹋雪泥蹀躞共憐騎苑馬逶迤不若聽
朝雞山川有事寧辭遠只尺成都是國西
棧道年年葺舊摧已將平易履雀鬼經行關輔面中
見夢戀鄉山馬上来諸葛精神明似日相如情思冷
於灰重思親舍猶南國願托江波去却回

自仁壽回成都

還鄉思速去鄉遲王事相縻敢後期里父留看題壁
字山僧打送捨田碑胡桃筇竹南方要盧橘杞杞上
國知此日君親俱在望徘徊三顧欲何之

題王庶山水

蜀人偏愛蜀江山畫畫蒼茫只尺間駟馬橋邊車蓋
合百花潭上釣舟閒亦知杜甫貧能賦應歎楊雄老
不還花重錦官誰得見杜鵑啼處雨班班

張道士蜀山圖

碧玉參天是蜀山舊曾飛度歷孱顏松風上接六工歌
外蘿月長懸合景間試劔丹崖秋隼疾濯纓清澗夜
龍閒君家虛靖歸來日冉冉蓬壺為憶還

范文正公書伯夷頌

伏承主奉范君示先世詔及文正公手書伯夷頌令集題識仰惟前賢爭光日月不敢妄有贊述輒以鄙句奉謝用表愧景慕之意云

慶曆元臣細字書清風直與伯夷俱潞韓並識何春應秦曹爭藏寶蟻汗神物護持天愛寶子孫驚喜海還珠敢以微塵讚喬岳願推餘矻及頑夫

企仰前賢歲月深阿衡事業伯夷心義田猶是當時祿遺像能令百世欽竊頌詩書求彷彿默嗟人物轉銷沉誰人浪湧矜家世看取天平萬石林

拜歐陽文忠公遺像

道園叢書三

二

知公難遇已當年况復瀧岡十世阡金石舊藏存劫火丹青遺廟祀鄉賢終身未必慚韓愈作者誰能繼馬遷鳴鳳不聞驚歲晏長懷清潁一茫然

輓文文山丞相

徒把金戈挽落暉南冠無奈北風吹子房本為韓仇出諸葛安知漢社移雲暗鼎湖龍去遠月明華表鶴歸遲何須一作更上新亭飲大不如前麗淚垂

從兄德觀父與集同出榮州府君宋亡隱居不仕而歿集來吳門省墓從外親臨叩韓氏得兄遺蹟有云我因國破家何在君為唇亡齒亦寒不知為誰作也撫誦不覺

流涕因足成一章併發其幽潛之意云
我因國破家何在君為唇亡齒亦寒南渡豈殊唐社
稷中原不改漢衣冠温温雨氣吞殘壁泯泯江潮擊
壞欄萬里不歸天浩蕩滄海隨意把漁竿

興聖宮朝退次唱采伯長見貽是日

上加尊號禮成上謝集即東出奉祠齋宮
翠蓋重重寶扇斜從官穿初散慈鴉過宮路遠紆天
步上壽杯深閣雨花玉貫兩缸通象錦衣成五綵鍊
雲霞奉祠東出蓬萊道春水鳧鷖鷺踏漢槎

朝迴和周南翁待制韻

三十六竿吹鳳凰九重春色絢天光御雲微動旌旗

道園先生集

三

煖湛露初晞草木香貝葉神師東度嶺金輿馴象北
浮洋小臣職在歌功德拜手陳詩對日長

輓歌辭

中天太白貫晴虹頃刻龍飛返上宮萬國共賓陽谷
日羣臣忍把鼎湖弓潛蕃回首金山遠顧命傷心玉
几空聖主已頒哀痛詔蒼生有淚灑西風

和李秋谷平章小車詩

雪晴宮草隱晴沙相國朝天試帝車班馬晝移温室
樹鳴鸞鳥晨度掖垣花褰帷每命賢俱載趣駕頻煩使
至家此日龍門誰執御擁經正履侍金華

送朱伴讀南歸

仁卿

喜子南歸盱水上經過為我問臨川
幾家橘柚霜垂屋何處蒹葭月滿
船應有交游憐遠道試從父老說
豐年寒機早晚成春服一平安報日邊

送李通甫赴湖廣行省都事

黃鶴樓前江水春江花飛接渡江人日長青瑣文書
簡雨過滄洲杜若新應共使公揮扇坐每尋崔顥賦
詩頻三公舊掾多為相行見迴車載繡茵

答周伯輝翔鳳

百酌宮壺醉曉霞望中鴻鵠盡天涯故園賓客千金
賦飛燕風埃百姓家上國春深花滿眼河陽市上果
盈車古來鍾鼎多憂思待得人間兩鬢華

道園集卷三

四

伯輝北山堂

北山有萊中作堂樂只君子不可忘紫氣常占少微
下壽星今在長沙傍佳哉競秀五男子少者遠客諸
侯王執筆題詩嗟未敢杜陵之祠烟樹荒

柬鄧善之

山雨不來喧靜夜江雲猶為護晴朝一羣青雀墻花
老幾箇黃鸝苑樹遙何有深心期管樂獨無高步接
松喬未能徑去成飄忽且可相從慰寂寥

用退朝韻奉懷伯長試院以別

藝閣羣策手封斜徧閱縱橫黑濕鴉拜賜頻酣千日
酒思歸寧惜少年花此時吟詠齋宮曙同是瞻承絳

蘭霞想有小團分學士好將新水試浮槎

送高尚志下第歸江西

清霜木葉水多彎知有荆人抱璞還龍擁湖波迎月下
豹乘雲氣候林間殺青汗簡三冬足生白虛齋一
日閑會望斗牛寶劍

題李道復所作艾全真乃父墓銘

道人何事京城中擬託斯文壽乃翁萬里烟塵唯兩
屐一時製作見羣公江湖所過蛟龍識金石他年物
怪通我憶廬陵多舊事龍岡阡樹足秋風

次韻和丹丘先生

春去林園百草生千源流漲到池清心期自與浮雲

道園集三

五

遠鬢髮新如積雪明白苧寬裁無束帶黃冠小製不
垂纓故人相見那相憶但聽橫空鶴數聲

丹閣峇峇地最親頻年染翰侍嚴宸九起鳳去荒烟
外三月鵲啼野水濱日落賈生將去宅江迎庾泛獨
歸人五湖不遠閑身在扶杖風前詠暮春

今代廣文真畫師蘇州把筆更題詩白雲遠海意蕭
散明月滿樓光陸離積妄已空前日夢清狂那憶少
年時老夫獨感深相慰盛德加飡報祝規

眉菴自賦

新春名字合更新偶託眉菴作主人本不求妍何用
妬從來無悶豈教顰曉對遠山烟冉冉晚臨流水照

剗剗成都畫手應無數。憑仗他年寫得真。
憶自當年學畫眉。畫成何意望人知。鑒觀水影真無
媿。接對天光豈有私。獻笑詎隨批灼灼。效顰應許柳
絲絲。菴中妙用何聞見。未及東風賦紫芝。

次韻寄謝魏雄鄉錄事表兄

短棹移家竹樹東。曉鬢擁翠夜燈紅。誰為重客投印
令。徒有高堂舍蓋公。白雪上鬚無藥染。絳霞盈頰已
樽空。憑君莫笑黃花冷。自有清吟與客同。

和侯世南除西臺御史

鳳池共愛十年身。一榜今為七爭臣。識字觸邪誰與
敵。讀書知律自能神。關中多士遭逢盛。輦下同年聚
散頻。萬里玉門歸控制。向來投筆亦儒紳。

游岡子原呈王學士

岡子原頭春色濃。小車晨出看東風。雨餘林潤人烏
好。日暖沙平我馬同。西引峯巒來座上。東瞻樓閣一作觀
起天中。款歸莫作匆匆晚。倘解相逢擊壤翁。

次韻寄元復初

木落天清悲素秋。故人何處海東頭。尊前夜月仍留
戶。天際浮雲重倚樓。影靜梧桐餘倦鳥。眼明洲渚自
輕鷗。人生會合真堪惜。長憶春風後兩騶。

黃梁夢覺人千里。白壁歸來月一鉉。尊酒幾時忘北
海。東書無路到東窓。卧龍宛宛冰生壑。飛鶴翩翩雪

灑江無限心期捲絮落秋風烟樹引歸幢

次韻馬可山人見招

天意茫茫故可知無端感慨又先之百年開濟輸前
輩萬里登臨在此時袖手看雲歸去晚舉頭見日坐
來遲忽聞八月靈槎到欲及西風理釣絲
愛此高槐十畝陰偶來相對理瑤琴江湖有夢扁舟
遠風雨無人陋巷深濁酒竟成終日醉花枝聊學少
年簪若為仙死乘雲去爛熳銷除感物心

次仲章韻

日射飛塵下界昏遙瞻積翠是君門鳳鸞天上今何
夕鷄犬雲中第幾村瑤草無人能遠寄玉書有道可
長存晴虹雨不去連滄海儻遇安期與試論
深屋古仙帷雙碧眸淵淵玉色象春浮上方烟霧日千
變清晝風雲時一游傾耳松濤惟立鶴迴頭塵海不
藏鷗飛飛欲吹笙去千歲歸來恐更愁

無塵道人

雲霧為衣日月作裳天壇獨自禮虛皇龍收古劍沉秋
水鶴識神丹起夜光金井有聲惟墜露玉階無色乍
凝霜無端下界松風動又欲飄然上鳳凰

和上都華嚴長老見寄

講帷秩秩退晨朝只尺東方寶月遙湛露甫承
天子賜慈雲還赴梵王招毗耶一日香薰普瀛海群

公意氣飄白髮故人非玉局敢將詩句答一作參寥

上帝曾承絳闕朝屬車日向寶城遙生公屢講中邊
味宋玉空吟大小招梵網千重隨鏡現天香八月向
風飄手開樵閣能來往常候晨雞碧海寒

和斷江恩上人綠松見貽之句

誰將古色伴幽棕百尺長松對一翁子落兩餘棋局
在影搖雲際水瓶空倚藤老大何惆悵覆地陰涼待
鬱蕊挽著兩牛須晚歲手開樓閣五雲東

題了堂悟上人溪聲閣

磨衲歸來問倚坡池開半月引泉過蒼龍入鉢飲風
雨白象卷湖吹浪波宴坐不眠花寂寂飛行無跡竹

道園集卷三

婆婆廣長舌相何時了未覺游人一渴多

賦松濤齋

曾游海上聽松風積雪千峯水接空細若鳳削雙嶺
翳雄於鼉鼓萬鼓擊玉堂夜直蟾光裏銀漢秋橫劍
氣中欲截崑崙槎乘浩蕩兩樵相對此時同

賦雪洲

江上經年挂損雪多長洲化作玉坡陀舊時射虎迷鐔
石薄暮歸漁認攤蓑河伯作宮龍獻辭湘靈遺珮鳳
停梭鳥鷺容與江花發更待春來生水波

送茅秀才歸茅山

茅君兄弟茅山裏幾代曾孫骨尚清傳得玄經還自

讀餌將蒼木不須耕鶴隨雲氣來金闕四爲合風聲度
玉笙爲問仙都老仙伯書來應許學長生

送韓伯高浙西僉憲

五月樓船過大江海風吹雨灑船窓雲胡虹蜺橫山
閣潮落鼉鼉辟石缸關下諫書誰第一濟南名士舊
無雙湖陰暑退多魚鳥應勝愁吟對怒龍

寄馬叔惠福建僉憲

荔子枝頭火齊紅高堂紈扇坐薰風湘筠簟冷魚波
合海栢梁深燕雨通絡緯豈知秋袂薄宸扆長憶曉
食同禁城來看花如錦誰道清霜解惱公

題故太子少傅翰林丞旨李野齋幽居

道園集二

九

車蓋歸來托遠林魯山舊宰魯原深漁樵相識頻分
席賓客時過共賜金百歲儀刑猶近古五朝文物至
于今披眉想見登臨地松浦但徠起夕陰

奉元王氏孝義詩

陰陰榆柳蔭韋村中有烏頭孝義門耕織事均家益
瞻總麻親盡義彌敦蜜蜂日煖開窓戶慈竹春深長
子孫先世此邦嘗賜履爲歌遺俗却銘魂

賦張志甫八十

身閱昇平近百齡顏如玉雪鬢如星士還移湘竹堪扶
老舊種蒼松已伏苓頻見大官躬致頌蚤令掌故口
傳經古來名士多肥遯徧與題詩歷下亭

送道士危亦樂歸臨川有序

予寓居臨川三十年而隨煤京師之過半受其山水之明秀而未盡游也喜其風俗之馴雅而未盡觀也樂其人物之脩整而未盡交也然視臨川則為故鄉矣以其視之也切其懷之也深故見其人則喜遺其人則若失亦人之情也况為賢者乎驪塘危氏臨川之望族文學雅正之士世而有之故予所謂不得盡交者也亦樂危氏之俊彥也學道上清山中以翹楚見稱信乎名家子孫非儻所可及往年亦樂之從父曰虛室君與予家相善虛室歸江南予嘗送之曰落花如海思歸夜剪燭裁詩

道園

又送君觀乎此其風致蓋可想見於是十五年矣則亦樂之行予獨能言以叙其懷歸之意乎予且歸休將從子於江湖之上周覽山川而詠歌其風俗以託諸其人焉尚末晚也叙而系之以詩曰上清仙子臨川客暫入金門即賦歸夜月微聞雙玉佩香塵不染五銖衣從游玄圃暄風暢坐讀黃庭墜露晞華蓋峰前如覓我應看白鶴向秋飛

送張用鼎還鄉

張郎兄弟人皆說二陸才華未足多騏驎西風開道路芙蓉初日照江波周官雅誦賓興禮漢代偏崇茂異科為語州人胡處士清時何故覓漁叟

題大都香山寺留

香山蒼翠帝城西古寺高寒北斗齊
繞屋清泉龍穩卧對簷老樹鳳長栖
曾陪退相尋山徑亦共幽人躡
石梯忽見畫圖驚十載春雲秋雨不勝題

為馬竹所照磨題香山留

古寺深沉壓巨鼇畫圖重見記曾遨
晚城宮闕烟花合夜壑風濤樹木高
雨靜卧波雙劍影天清歸路一
鴻毛東都九老名猶在瀟灑誰同白苧袍

端午節飲客與趙伯高

龍沙冰井夏初融簪筆長隨避暑宮
蠟燭烟輕留賈誼銅盤露冷賜揚雄
南村久病思求艾北客多情問

轉蓬忽聽滿船歌白紵翻疑昔夢倚春鴻

用蕭性洲詩一句足成一章送常伯昂

華蓋芙蓉入座青輕雷疎雨過虛庭
永言自愧難傳世急就成章易滿屏
好客多情憐白髮幽人相顧說
丹經篋瓢便了餘生事空枉輕車到野坰

題時錄判齊山吟卷

濟南名士古來多此地登臨孰有過
山影蘸湖春雨樹泉流滿郡晚風荷
客生江國猶思憶人念鄉關想
詠歌千古齊山青未了李邕杜甫奈愁何

王真人眉叟在京上都賜酒倡和

真人燕處自高堂遠賜宮壺出上方
給傳許乘飛廐

馬侑樽仍有大官羊一天雨露涼如洗四座賓朋喜
欲狂起賦新詩誇得意西風傳送及灤陽

送張伯雨入茅山

獨棹扁舟入白蘋隱居舊宅去栖真囊懸肘後唯丹
訣書到人間稱道民未覺白雲留住晚也應蒼木寄
來頻手栽松上騎飛鶴知是華陽第幾人
隱居聞道無人蹟麋鹿來依積雪深每占雲氣得芝
朮莫怪丹光穿樹林茅君自騎一虎下木客或與羣
猿今知爾此時最相憶遲予飛鶴度千岑

次韻熊太古題金石編

上林昔見衆芳來春雨湛涵詠有萊何處北山留客
住未聞東閣為君開畫湏具眼方留跡琴有知音不
用媒多學子少成嗟老我每看精藝欲心灰

次韻錢翼之寫大學衍義局中詩卷

貝葉西傳淨業塵泥金萬軸等長身清閑邃殿仍稽
古寂寞遺書亦發春承詔外廷湏老手揮毫仙館屬
才人重觀舊事思天上白首揚雄野水濱

題王本齋歷官紀年畫像

歷官貴與年俱進列畫衣冠若弟兄出節遺風仍浪
海生祠嘉樹各專城丹心不改兼終始白髮微添更
老成清夢幾時求傳說平時蚤合識真卿

謝僧以長送銅龜水滴

贈我銅龜盛硯水想君久已伴題詩
爛斑隱約知千歲縑藉丁寧媿妙辭
豈有文章須潤色况能經濟屬論思
租應六用俱忘息灌沐清泉自奉持

題靜壽道人自誌後

對雪鼓琴張道士八十二歲顏如春
世外異書聊過目人間樂事自終身
如如常住誰為死擾擾相仍故是塵
知爾既忘欣戚意安排何用賦詩頻

輓危公遠道士

翦燭裁詩憶送君落花如海政繽紛
絲迴分別未為老一日音容杳不聞
珠樹露寒蟬委蛸玉樓風急鶴離羣
自吟新句成奇識只許人間禮白雲

與筆生

聖明天子御奎章翰墨昭回日月光
書殿風微雙鳳者羽春池波煖六龍驤
侍臣近榻誇先得內史開函喜自將
借問紫毫誰所製裝裝揮神化未渠央

白雲閒上人以橘一枝見予作詩以謝

洞庭嘉實龍興種百顆同枝重壓檐
折遺忽疑千樹盡分嘗猶足十人兼
貢餘沾賜今難得霜後題書尚可添
只欠吳姬圍錦幄霏香喫霧玉纖纖

畚舒真人送牡丹

真人棋罷小徘徊手剪窓前紫綺來
天女不嫌雲霧薄洛神親擁鬢髮堆
已令老鶴婆娑舞更注清泉劒

澹盃莫遣巢翁知勝事詩筒日日片雲催
曉來睡重不聞鍾仍嘆看花似霧中貪賞金盤承露
露不知玉樹倚春風戰酣淮水暮應勝雪擁籃關句
更雄欲盡新音宜正午須憑狸目驗芳藜

送胡古愚

仙館醉餘千石酒上林吟徧百花風拾遺徒步頭雖
白供奉歸來錦更紅晚下紫微憐病鶴春生綠水送
真鴻故人江上如相見為借扁舟候禿翁

游小孤及彭浪廟承學士命錄以示卑拙
官因次韻二首

天作孤岑自築時高危頻見古人詩身當委注下無

底影絕傍綠終不移波浪秋隨天漢淨風雲未盡意

門馳釣竿拂樹思長往應有沙鷗已得知

迴舟却往彭浪石還藉枯筇得自持外險內安言者
樂東流西泐渡來知追隨過客應無事迎享神靈遂
有詩消得清秋好風日經丘尋壑昔為誰

送柳唐佐懷孟振管

滿縣花開二月初郡人日望柳侯車醉翁白髮詩情
在好客清言吏事餘河水煮魚頻入饌柿林收葉徧
留書欲從太守借盤谷手自搴茅結隱廬

題李息齋竹

文翁寫竹鬚成絲不作芙蓉與柳枝日色分明見真

本天工端的是吾師動搖特有禽相語偃蹇惟餘石
不移靄靄春雲好才思千姿萬態恣相宜
已學夷齊頽息陰如何逐日轉蕭森發揮自出形容
表裏寫誰知造化心持贈不堪憐苦節卷懷無跡媿
幽尋更看月夜風塵空著意沉沉落墨深

題先天觀

書來新構先天觀便欲工吟勝畫師山挾風聲雷起
陸水涵天影日當池長生有道行行到深處無為了
了知不是三年不題句卷中為有范梈詩

次韻雲章丈欲訪德機學士故以末句相
屬冀以因行致之

風雨相求越一邦無多苗藿庶充腸東風吹雪開梅
雪南斗垂河避劍光力薄薦書空汗滂情多愁髮易
蒼浪故人范叔清秋鶴誰共吟詩月滿堂

予與胥翁亞仙自劍池觀山水遇客石橋
吳氏訪自牧長老于昭福時寺新成方卜
門向予與亞仙皆以正對大羅為妙一時
同游約齋朝輔朝佐皆吳氏之良而牧亦
吳出也莫不共贊其美因為賦詩以識之

重卓然提坐石溪開關更欲面羅池西來萬派分明
意前列諸峯蒼翠姿情竹踈松通一徑微雲淡月立
多時千年白鶴重来晚解向兒孫話祖師

去冬過昭福留詩
溪上牧所既而蒙半
村先生與國賓茂才青雲諸名勝相繼屬
和盛意不可忘也先從牧翁寄此尚需面
叙區區也

隱居曾見繞清溪屋上青山屋下池
老工風流宜白髮阿戎戎翰墨稱雄姿
每懷高閣看雲後投宿比鄰聽雨時
安得青藜同照夜題詩寄惱牧牛師

贈丹士

神仙有訣煉丹砂服食三年鬚不華
自有筠囊收曉露何妨玉腕泛春霞
倚松吟嘯風生袖採藥歸來月滿沙
肘後方聞多至劑青粘何日到山家

題朱澤民畫

松外浮雲過眼空前瞻無際後無終
幾番白雪經行地數尺蒼髯俯仰中
健筆粗今韋偃老吟詩誰似杜陵窮
悠悠無限滄洲興問取騎驢傲兀翁

題董生畫

李公昔守清江上翰墨交游有稚川
每從遠海風雨至共對小山松桂眠
撥鐙何處得古法臨池忽欲無千年
嗟哉李氏孫尚幼川翁家學子能傳

羅若川畫松

暮春多雨晝冥冥羅生畫松當素屏
老蛟化為劍氣黑白鶴下啄苔痕
青傳來日暮白篝火夢入幽巖尋

挾苓不遇胡僧露雙脚石函自了讀殘經

又次游仙遊山詩韻

龍嵒山木小軒東
梔子花開鼻觀通
嘉節喜逢風雨外
幽懷都付笑譚中
詩成綵筆從人寫
醉後朱顏與衆同
却怕有人知此樂
狂將山水繫愚公

重掾湖山堂

九江秀色一處好
新堂正值甘棠湖
春水初生蕩洲渚
晚風吹起散魚鳧
自公退食對脩竹
子讀書編綠蒲
知君廉恕之陰隲
行見高門紆紫朱

留上方道院

卜隱山中事已遲
歸來無處著幽情
行穿深谷却車

道園七集三

十七

馬借定高齋
慚忝雞茶為彌明分石鼎
從太乙借青藜
百年身世半塵土
一日林泉何足惜

寄陳湛堂法師

月宮桂子落巖阿
想在林間閱貝多
持足地神衣拂石
獻珠天女襪
凌波香因結願留
龍受水為烹茶喫
帝馱寄到竹西無
孔笛吹成動地太平歌

送胡士恭

十年京國擅才華
宰相頻招載後車
太液蒼涼黃鵠羽
玄都爛熳碧桃花
三清風露仙人館
萬里烟塵老父家
拂拭舊題如隔世
華星明漢望歸槎

送雙林西白長老用太白起句

峨眉山月半輪秋我憶家鄉亦白頭脚踏岡原流去
水身隨海岸到時舟長空一鳥飛無迹白雪千峯爛
不取却咲坐來銷劫石雲興百問若為酬

寄白雲閣上人

龍興寺裏白雲房不到于今二十霜橘柚向來垂屋
重松筠此日過人長千函祕典心源淨百歲長齋齒
頰香若念尚書舊行履三生石上莫忘鄉

寄訢咲隱

垂手毗耶憶舊勞諸天幢戟擁林臯開軒坐見青松
老倚閣閒看白浪高曉日上林隨步暮雲如海在
揮毫經年不得江東信獨立長風送羽毛

陳君璋新園池亭得烟雨

本漁登陳氏之物我大父尚書公所書也
尚書書此時已九十年而君璋之父年且
九十矣故賦詩及之

烟雨橫塘識舊題尚書遺跡久淒迷幾回玉樹照鳥聲
曉曾見雕梁燕子泥近水樓臺隨地起臨堦楊柳
雲齊小車却憶堯夫老徧洛看花信馬蹄

舊扁橫塘墨色新百年還屬百年人爭墩正為名隨
謝隔世何妨姓共陳綺席聞鶯垂故舊金盤烹鯉亦
賓親蘭亭俯仰興懷地莫惜流觴對暮春

題蕭正肅公及尚書興揚誠齋書幅後

古木蕭森日月懸六丁猶為護遺編一門翰墨三千
續七世風流二百年秋野蒼茫麟角出春池零亂鳳
毛鮮世居鄉里如君少西望孤城憶墓田

費無隱丹室

碧雲雙及引樹重重除却仙經戶牖空一徑綠陰三日
雨數聲黃鳥百花風年深不記栽桃客夜靜長留賣
藥翁幾度到來渾不語却依秋影數冥鴻

寫韻軒

翩翩僊子藥王山明月高樓遂不還天外脩眉塵鏡
掩窓中遺墨夜燈閒雪深黃竹歸無所雨暗蒼梧淚
更斑何事浮雲相遇合杳然陳跡謬人間

楊判官春雨亭

松柏園亭雨露新慈顏幽翳倍傷神三年疏食心長
慕一勺寒泉淚滿巾孝子舊游多國士將軍遺愛在
邦人封筮近對清江曲世世能來有鳳麟

揭北海山雨亭

周遭城郭攤坡陀北海亭中逸興多木落秋風知地
迴水高春雨見帆過華簪列坐驚年老翠袖深盃為
客歌說與蓬萊千仞石誰能鳴鶴倚松蘿

珉上人俯清軒

高亭直下一江清千尺絲綸寄此情秋水芙蓉華月
上春茗翡翠晚風輕坐來古硯生雲氣吟過長廊曳

履聲知有登臨無限意高山遠水已相迎

楊伯恭柳隱山房

細柳誰如灞上營清江百尺坐專城陶潛雅興還堪賦張緒華年更有情春日貫魚多鱖鯉秋風飛羽挺鯢鯨錦衣玉帶催心馬入對長楊聽早鶯

揭北海蓬萊亭太湖石峯

海上飛來第一峯華星明月五雲中千年持載遺神物九仞飛騰接太空不與興亡驚世換長隨山澤與時通蒼茫獨立橫秋氣未許西山得比雄

秋屏閣

幾度秋屏真謬興歲寒今日一凭欄西山瘴氣連天起彭蠡番陽學海寬久病詎能備客禮舊游長感奉親歡老身若借雲房宿卧起江山正面看

王欽道活水源泉

川上曾聞感聖衷尋原因見出泉蒙風霆流動千門啓山澤高深一氣通潤物已從時雨化濟川猶歎昔人功野塘舊隱誰能住一夕清冷謝太空

題送林松壠照磨詩卷後

未輸豪傑早知機一日冥鴻向海飛風雨交游無舊迹江山幕府有清輝秋空澹澹蕪葭茂浦春書堂錦繡衣世外喬松中梁棟澗邊莫歎故人稀

御風亭

城陰百畝轉迴塘喬木參天翠柳長飛蓋曉迎花霧
氣臨池春動黑雲香衣裳清露芙蓉淨劍佩明河水
玉涼還向人間留妙蹟蘭亭列坐詠流觴

雙檜軒詩并序

檜之為木仲尼嘗手植於魯嘗天下後世莫不具瞻
焉學者之於聖人宜無所不學江右憲使覃懷李
公重山甫持剛方之節秉木貞固之操乃樹雙檜于
家庭以自見蓋將景仰先聖於萬一也夫木之為
世用多矣大材成大器小材成小器椅桐梓漆則
琴瑟之儲焉明堂清廟之棟梁非檜莫與也尚論
聖人之所為識其大者豈非君子之志乎乃為之

賦詩曰

素王舊植魯宮墻雙樹新陰接太行冰雪高寒今即
操雲雷參錯古文章河津此地營舟楫廊廟多年待
棟梁會與羣龍近華蓋九天朝日正蒼涼

黃仙巖

鐵色陰崖積石屯玉顏窈窕鎮崑崙上池降液作靈
響左角出雲承曉暎手扶風雲穿月窟坐當星斗直
天門昔人政有懷仙地為挹清泉注一尊

古亭詩為張仲英作

濟南名士古來多誰作新亭照水波百頃高荷秋興
闊一湖明月暮船過南州城上登臨賦北海尊前感

慨歌况有吹笙王子晉清風千里接鳴珂

觀耕詩為王可敏賦

昔歲春耕見夢中分軺此日歎民窮漸惟草色經行
路輟食棠陰問土風歸鴈相催知日近占魚猶願報
年豐豈他時緩步從青瑣寤寐毋忘稼穡功

與熊天宇

去歲送花無處栽至今鄰舍借園培綠籬正要帶刺
枳並屋還須疊葉梅桑椒墻下堪食用桃李門前空
綻開故人一二可致此他年相對共銜盃

行丞相掾唐仲英事母至孝在臨川時知
夫人嘗藝蘭於亭中花繁茂累歲增盛異

於常植君子有以占其子孫之興也他日
太夫人去世而蘭亦悴而弗華三年而忽
榮如太夫人在時仲英感歎如見母之存
焉都人士咸以為瑞相率為歌詩以頌太
夫人之遺德而識天錫瑞以彰仲英之孝
後數年虞其在豫章與仲英續賦一章云
唐氏慈親手種蘭三年憔悴復闌干為懷媚眼承顏
喜豈意空帷帶淚看手把梧楸春露重心知佩解暮
天寒扶踈玉樹情何極長繞幽芳不忍看

憲府瑞栢

憲府清巖翠栢高香烟霏霧起亭臯濃熏旭日新膏

沐細引春風近羽旄黼黻成文如錦繡丹青生色在
揮毫德星占應賢人聚濟瀛清朝見譽髦

書蕭母傳後

新喻蕭母有貞節朝廷用魯參政子暉言旌表
其門莆田陳旅博士為之傳文甚奇子暉卓學
於蕭氏陳集友也先丞相雍公與蕭正肅為同
朝故其家來求題云

桓蕭氏貞門表猶是前朝執政家恩詔傳言褒素
履安輿垂淚對黃華賢孫能奉高年遠薄俗寧知古
道賒魯氏交情陳氏筆臨文三感一長嗟

黃節婦詩

道園集三

卷三

集昔忝館閣四方孝子貞婦之事來上

朝廷者率求詩文以表章之隨事發明時義既
有所諷勸或所錄未其備者猶推其類以著其
姓摺紳樂善成風每為寒軸不以辭為費也今
觀雷尚書之諸孫長仁書其女弟適黃氏貞節
事皆閨門變故而始終一德非其兄不足以知
之非能文不足以發之集筆硯荒落長仁之子
以此卷相示感而賦之

貞婦初年遘百艱每將忠厚對傷殘死生家世心無
愧終始閨門義所安信有高風隨地化不營華表與
時看賢兒述德皆真實為報鄉人在史官

送阿里仁甫舟中作

送客江邊醉似泥，漁村四宿已難栖。
風平山影搖舟楫，雨急灘聲入鼓鼙。
故老別來誰尚健，新詩吟罷更重題。
却因農事催歸去，卧看浮雲逆上溪。

題高彦敬竹石

踈篁幽草澗邊生，羣玉參差若弟兄。
更待拂雲棲紫鳳，何年臨海掣長鯨。
尚書蕭散今摩詰，子墨淒涼舊客卿。
風雨夜來家四壁，龍吟微應讀書聲。

南浦遊觀齋

房山避暑何王宮，古木蒼蒲森多畫。
風平生江海毫素裏，日暮鄉關魂夢中。
孤雲斷處更野水，五絃揮罷又

飛鴻高情千仞一，倚杖莫怪尚書雙眼空。

古木齋

晉人筆法成中絕，竒崛縱橫見米家。
手畫斷崖分鐵石，意求古樹帶烟霞。
龍鬚解出空中雨，鴻爪能留雪裏沙。
近日尚書高彦敬，高懷尤足共清華。

趙伯高所藏高彦敬吳山夜景齋

吳越蒼茫咫尺間，尚書能畫夜看山。
塵銷海市露初下，雪積江沙潮始還。
座上賦詩誰絕唱，夢中化鶴忽臨關。
高情已逐年華去，秋樹寒波愧妙顏。

東山齋

太傅東山杖屨行，抱將憂患托高情。
獨携窈窕開瑤

席雙引娉婷韻玉笙春雨松間殘奕冷秋風江上暮
塵生三分籌策煩心力甚悵望雲霄一羽輕

百馬圖

楊柳生烟草色薰川原錦繡動成群百年海宇無征
戰一幅圖書有見聞日夕吹竽歸別部天寒桐乳奉
將軍當時校獵誰能賦白髮堪傷雄思若雲

周昉畫

島上雲生日轉簷海風吹雨首春寒尖春明玉色遺蘇
澤夜定珠光入鏡奩織得鴛鴦爲隨綠斂教成鸚鵡
紅甜試令鼓瑟應無語目斷師舟思未淹

天師菴壁間墨竹

道園叢書三

卷五

憶昔卧起情竹地當林日日有風生白雲時來衆仙
降皓霞如鴻孤鶴鳴吹笛江洲星斗動釣竿樹老浪
波平何時置我北極下獨倚高壁聽秋聲

從子旦欽賞賜金主山中次陳溪山韻

素金萬里來天上舊賜新頒捧拜餘去國棲遲漸補
報榮家歡喜度空虛孤臣清淚三生夢一寸春陰數
葉書更買青山可終隱不妨投老得安居

謝子棕雨笠

歸弄江波白濯纓白頭徒步一身輕蕭蕭白雨荒坡
晚恰黃鸝夏木清杜甫豈於詩更瘦遠公許以酒
相迎野僧三四同來性此日先生戴笠行

題毛秀發薛玄卿戴笠畫卷後

偶然戴笠過前山，天賜高人一日閒。
薄有神情留卷裏，漸無名姓在人間。
毛公吟罷雁眉古，薛保畫成鶴羽還。
無限好懷今掩得，松雲千疊為誰關。

止家人製衣

摺字見毛詩薄汚我私註廣韵收頓字下應讀然蓋
搗衣也

故人遺我布單衣，寒暑相仍服不違。
地僻少塵摺，弊易身閒遲。破補紉稀樵漁拙，識循常好魚鳥相忘作。
念非請看江頭木居士，雲來雲去本何依。

荒唐

齊人野語楚荒唐，野死幽囚祇謬傷。
往二闕文誰復及悠三沒世詎能忘，百年有道開新感，千古遺言發

耿光不有鳳麟同，日至誰知信順見文章。

虛齋

誰識空中有至真，一庭芳草自生春。
風雲變化閑來往，日月揮持在主人。
寶劍有神凝鑒水，金丹無質現窓塵。
忘言本是吾齋事，莫負空山同問道人。

真止軒

乾坤之位易行中，星共辰居象亦同。
終日有言寧離此，先天無事若為工。
音聲倡和黃鍾始，水火浮沉土釜空。
世法之無相比並，閑循斗柄玩東風。

石巖詩為道童搃答口作

維石巖巖氣象超，俯憐培塿獨出峯。
堯八風不動盤坤



輒一柱高擎切斗杓江郡暮雲留遠樹湖陰積翠上
春潮便應從此為霖雨直向中天絳節朝

竹所詩為馬照磨作

蕭蕭情竹倚闌干幕府高秋獨坐看龍化欲隨清珮
響鸞鳴傳長共碧梧寒幾年冰雪培根節一日雲霄見
羽翰聞道武公方壽愷永歎淇隩報平安

送揭子尚之京師

縣北之亭山水幽玉堂故人僕昔遊錦囊五色起雲
霧華袞一字驚林丘賢才洛下共青瑣久客襄陽成
白頭羊公沉碑聞近出文章垂世何悠悠

送李伯儀

道園集三

北七

老來多病山中住誰復能吟過客詩賈誼豈無前席
夜終軍當有棄繻時沉香亭北花園錦太液池頭柳
舞絲初到長安還有賦東湖傳看綠漪漪

送吳志淳

古道棲遲與世違高才誰可共襟期揮毫妙得中郎
法倚席長吟老杜詩澹澹春風湖水詠蕭蕭夜雨竹
枝辭明朝何處還能賦驄馬金溝結柳絲

送劉仲禮游浙

于今南斗聚文星博士空慚老復丁杜甫文章驚四
海中郎字畫尚羣經才華酷似泉流峽書法親傳劍
出劔欲看海門潮始壯高風鴻鶴舉空青

送艾友文之靜江

桂林賓客舊多才，鼙鼓逢三夜宴開。
鄉里共推文學貴，轅門爭識故人來。
幕中草檄狼烽息，座上吟詩鴈字回。
為問伏波天柱遠，文章何日刻蒼苔。

送太原郭訢還豫章灌園精舍讀書

每思有道太原碑，復憶南州孺子祠。
但得賢人千里聚，奚傷大樹一繩維。
生民憔悴依高節，吾道銷沉繫遠思。
誰向灌園棲隱地，下帷觀象玩微辭。

送劉元補淮南漕司書吏

江南大郡多凋瘵，三月鵬鳥元海上。
城使者自持清節，重書生遠去一舟輕。
滿書雲一靜滄洲，鴈翰墨風生碧。

道園書三

九八

海鯨幕府從來賓，客感橫琴時自寄高情。

送李仲洪雲南廉使

海上藏州想玉珂，繡衣今歷幾坡陀。
賢人會合何其少，蓋世文章不用多。
蘭楫誰迎桃葉渡，薑筍莫奏竹枝歌。
不令駟馬歸金馬，奈爾相如好賦何。

送僧歸俗

孰謂儒冠多誤身，昔年聊作小乘僧。
春風花影疎二月，夜雪松濤澹三燈。
巾帶便須歸賈島，衣盃從此付盧能。
男兒今古平生事，未把卅心一寸冰。

題河東李集賢個詩後

某與昭德別二十有餘年，相見清江之上出故

集賢河東李士弘學士重游舊詩蓋李自守郡
至作詩時已二十餘年今去李公賦詩時又幾
三十年矣俯仰感歎追和附卷末云
郡人長說使君行室有絃歌野有耕千丈沙隄春雨
張滿船書畫晚峯晴重來城郭誰耆舊編刻文章自
姓名我亦從游今白髮每懷冠珮望蓬瀛

聽錙元彈琴

劉元相訪竹齋清夜予予援琴作長清飛佩等
調宛然二十餘年前問諸四明袁公伯長父子
及西巴鄧公善之之子慶長者不勝淒感道士
張伯雨亦偏善此相別亦二十年矣察察此音

道園集三

七

在天地間何可斷絕賦詩寫懷書贈元云耳

寂寂虛堂月上遲錙郎為我鼓冰絲秋聲在樹誰能
賦夕露沾衣有所思荷蕢過門良久矣乘桴浮海欲
何之呼童明發酬佳興三勺清泉饋石芝

陳立持所畫山水及酒饌來求詩法詩法
無之得與齋中鈞友一餉之樂

拙疎生理歎衰翁食粥何妨醜屢空驚見殺雞供季
路喜看載酒問揚雄畫眉乞與千山雪詩法傳來滿
袖風令子讀書誰得侶高閒甘旨不憂窮

與趙伯高論詩

莫道幽人有意吟緣情生變古推尋竒雲映日書成

字靈鄉音盤空譜作音春鳳雛雛天廣大秋蛩唧唧雨
陰沉性情平澹隨時見禮樂何曾繫古今

宿周氏東齋聞饒以和李本夜話賦此

霜月高齋會二賢夜深清話極幽玄退藏莫測神明
化通變猶聞典禮傳五十年華思絕學二三良友信
遺編選鋒若欲驅殘臘晴日梅英孰與先

觀王繼學參政贈臨川艾庸詩有感

世儒退相淮南使羨爾華如早及門授館終年供白
粳探囊一日試黃昏漢廷議禮諸生起魯磨藏書幾
簡存最憶龜蒙雲氣重舞雩新服試春溫

題陳維新詩卷

道園叢書三

三十

才子清華孰與羣古詩秋興浩如雲海中夜月珊瑚
樹江上春晴錦繡紋溧水釣魚辛少府武夷放棹杜
徵君歷觀卷裏襟期士鳴鶴爲朝陽與世聞

題劉伯溫行卷并序

監憲伯溫鏑公出示此昭閣諸君子送行詩文兩
大卷其一自中臺出以佐浙省時賦衆仲題其端
有以見朝廷選任之專職事之難者後一卷
則自著廷持節江右之賦也伯循跋其左具言
述作之暇道西北形勢古今之迹經覽之壯有
重會講明之約一代文物之懿備見於斯何其
盛哉其感別欣遇又知監憲公深有得於大易

智崇禮卑之旨庸述鄙懷敬各盛意不勝慙慙
西極山河轍迹通載馳江海視民風帝王漸被知今
遠秦漢經營歎昔雄憂國蚤聞生白髮濟時誰識信
丹衷斯文一縷通微顯隨地成能造化工

題黃智仲詩卷繼煥御史黎僉事詩後

彈缺何妨鬢漸疎
疎侯鯖偏食武昌魚
故人江漢浮雲盡
歸鶴城樓落木初
御史青春懷舊意
郎官白首寄來書
解囊為說經行處
歷歷晴川畫不如

書莊武公遺事後

莊武勲名汗簡青
贊書錫爵自明廷
時傳令德連三世
家有高年過一白
齡胄嗣蒞官原問
學封邦獻禮纘

上通國志卷三

三一

儀刑周詢還奏必
溫清効袞職從容
煥日星

自題名而危太朴作

大地微塵海一漚
取之無用棄無由
日高睡覺還聞鳥
雨足歸來但拄一
牛冠帶衣裳明日
月陶匏木石老春
秋何人寫此間
中意獨立晴空詠
未休

故人

故人為別十餘春
一夜夢相逢面目
真世外音書遺鴻
羽壁間圖畫潤龍
鱗可憐白髮寒仍
短待得黃花鏡
更新誰有高才如
屈宋九歌江上樂
明神

孟莊

孟莊同世不同風
縱使相逢亦不同
豈以高明分彼

此捲於衰晚共豪雄奇才別出義黃上大業難忘舜禹功無位無時千古逝誦言忠辯愧愚蒙

吳先生壽日

承明三召意勤渠歸老後容問燕居几杖雖塵無滲色經綸不用有成書春深雨露多沾溉書永風雲妙卷舒華蓋浮丘漢儒行千年高並翠笑渠

寄壽楊友直

恩詔來頒擁節旄壽尊酬獻畫堂高郡人傳寫登高賦野老驚看侍宴袍契闊舊交多老大澄清能事屬賢勞鳳池緩步歸猶早鄉社耆英接譽髦

寄楊友直

道園集三

三二

山林十載便幽栖城府連朝謝故人前席謬言宣室事小車且看洛陽春舞停紈扇清樽側醉挿花枝白髮新人為村頭曲夜務急不辭鈴閣度江津

寄陳敬仲

承詔摛文入禁林一揮四問夜堂深五人存歿風流散十載浮沉老病侵曳履想迂青瑣步下帷傾聽白頭吟多材政有江西客衣錦歸時好寄音

寄陳溪山

坦坦幽貞夏日清高槐千尺自秋聲華山雲外觀真逸洛社春中憶舊英雅論圖書酬太守靜容簪佩列諸生丹成有道傳中表歲把芙蓉奉壽觥

寄楊臨川

五月新涼似鑑湖吏民爭候使君車
稻田一雨足臨流
喜黑土沼雲生對客書疲瘵遠人訢
獨得文章列郡竟
誰如寓耕封內宜脩敬老病衡茅禮節味

寄蒙古松巖

驛舍相逢已十霜每懷高節倚雲蒼
星辰劍佩趨黃
道風月留書侍玉皇萬壑秋聲回浩蕩
九霄春夢入
微茫垂絲到地苓如玉擬斲青冥頌久長

寄費無隱

清朝自寫玉宸文冠戴芙蓉著錦裙
碧落開窗垂五
采素雲引練事三熏羣真定錄輝相識
上帝臨觀密

道園葉三

三三

自聞書畢綠陰方數畝長疑窓戶宿春雲

寄趙中山

清鐘徹曉轉轆乾十載霜蟾獨自看
護法元龍思淨
梵化人孤鶴報平安相逢歲晚頭俱雪
想一朶春陽氣
若蘭欲辦芒鞋求覲面晴虛雙景共清寒

用聶御史韻贈忻都兼寄張伯雨

尋得山泉可枕流寒茆為舍就中洲
故人去日月多新
夢游子秋風足暮愁揚許有書留玉洞
松石向無跡到
瓊樓亦知李白因貪酒頭白無緣事遠遊

次韻陳磎山

積雪柴門晝不開行庭無跡太寥哉
深根一息先天

氣平地橫陳，幾劫灰潮候。夜中隨月滿，斗杓天際掬。
春來溪翁定，有扁舟興。晴昊繁華，花間遠梅。

茆簷向曉喜，雲開積雪如。雲安在哉，春澤堅冰成解。
液明窓旭日動，飛灰山陰忽。有移文至松下，那容嚼
道來。小大往來元有數，莫占消息向枯梅。

次韻陳溪山紅梅

冰雪肌膚染絳雲，歲寒林下對吟身。先天氣至渾如
醉，初日光融轉更新。白髮無能酬造化，金丹有道駐
長春。少年莫笑詩成處，傾倒相歡忘主賓。

春曉紅生島嶼雲，此中儘著兩閑身。不愁花笑髮鬢
白，謾詫人傳句法新。曲水徘徊天上日，深杯斟酌自

家春繁英未落，須頻到翠實金盤尚及賓。

雪後孤根發暖雲，栽培本自一人身。紫薇遺意成千
古，絳萼深期又一新。忠厚敢忘嘉樹賦，冲和思廣此
枝春。若為穉子猶堪教，三祝三加望大賓。

來章末句有屬幼兒之意，先生屢言先君手植紫
薇于堂前，賦詩屬望小子時，人不之許也。頌仰五
十年委身田野，莫稱先志，集感歎成賦。

次韻谷楊臨川

歸興秋光晝，寢高使君詩。瘦怯宮袍東，胡蝶微雨生。顏
色西日浮，雲見羽毛橘。柚園林誰共，奕筮六陵洲。渚或
容舸誰家此，日尊無酒兩鶴翩翩過九臯。

舟次臨川用趙堦韻

文公經濟入精思陸子高明自得師投老幸依賢者
國興懷况在歲寒時為邦孰與從先進擇善誰將覺
後知十載郡樓遺訣語扁舟江上感君詩

山行次韻

從來年老喜逢春宇宙中間自在身鬢髮還如柱下
史胷懷仍似洛中人春雷起處耕雲外晚雨晴時釣
水濱况復歸歎清晝永坐聽童子詠睢麟

次韻曹子貞

宦學三年不自歸從人饑食復寒衣蒼麟一出春秋
畢黃鶴重來城郭非靜對風雲觀變態閑因來徃玩

道園叢書三

三五

神機乾坤自是無今古不用窓間惜寸暉

舟泊安和阮宅次黃志高韻

十月東歸下石瀧群公促膝共輕艖蕭雲故宅多喬
木阮籍清樽對暮江方駕肯來良馬五尺書先寄鯉
魚雙欲求深隱何山曲雪竹霜筠共一窓

舟宿湖口

汀沙如雪水無聲舟倚蕙葭鴈不驚霜氣隔蓬纜數
尺斗杓插地已三更拋書枕畔憐兒子看劍鐙前慨
友生尚有乘桴無限意催人搖櫓轉江城

長年入海混潮聲水宿荒涼却夜驚月照空巢烏繞
樹風吹短草鴈知更要觀此地秋濤壯更待明年春

水生不比蜃樓多變見綵雲初日攤層城

次韻劉桂隱

懷哉歲暮扣重關置我高堂俎豆間遠道無窮緣已
老凡情不斷若為閒徐行歷歷皆平地消日青青是
好山莫怪立園待春雨扁舟先愧逐雲還

謝瘴陵兩劉君

扁舟已作渡江雲回首高年憶兩君坐客頗知韋刺
史詩人猶拜杜參軍揔看玉樹當春晝長對青藜過
夜分他日聚星如可畫慙慙垂白更論文

次韻孟天暉典簿佐奉使行江西所賦

帝念蒼生不鄙夷任賢清問載旌馳山川舊履車書
會草木新春雨露私十道悠悠分楚粵四門穆穆出
宣慈舉頭見日天光近老去無憂託啓期

山木閣一首送人之京

山木閣東初日生梅花照溪人欲行玉杯在手山影
入瓊精載道霜氣橫故人天上今白髮賤子山中常
倦耕憑君問訊金闕下羣賢朝迴春日明

送撫州推官于夢臣改除吳興別駕

撫州那得似湖州千頃鷗波可放舟別駕老便公館
邦高門長憶故園幽綠陰青子人家曉古木踈篁水
墨秋筴欲暫為江海客百年耆舊記風流

送陳繹思歸會稽讀書

右軍高致絕清真况復東床玉樹春上馬詩成誰共
語讀書鑑迴互為賓落花飛絮繁歸思流水游龍接
暮塵無限當時觴詠意尚疑身是會稽人

送秘書也速答兒大監載書歸成都

連舸載書三十萬雪銷春水上成都列仙歌舞成烟
霧世將旌旗屬畫圖定有洪儒堪設醴豈無佳客共
投壺子雲白首歸無日獨抱遺編隔五湖

送普從昇驛史調廣東

秋露垂珠枸杞叢海天火齊荔枝紅飛行萬里肯駘
馬拍顧千夫赤羽鴻虎帳夜傳文字密故人春負語
言通一門諸父吾親舊待爾歸朝捷奏同

送成彥舉奏差遷湖南

莫憶并州是故鄉江城十載簡飛霜賓鴻不及馳車
遠語燕還迎舞袖長下瀨未休連舸餉觀風頻上奏
書囊雲開南嶽多來往應有高情聽九章

送人回湘用魯子翬僉院韻

東門有客上歸船舍弟過從歎昔年清宴翠帷明諫
草高譚羽扇動江蓮湖南賓客今誰在湘外蘭蓀自
可僂珍重太常臨別語毋忘飡菊飲寒泉

寄監郡敬齋

華蓋天風八月高使君於此重游遨停雲每約松間
鶴載月同登海上鼇人愛桐鄉畱繾綣道傳柏府薦

賢勞柴車已是輪生角那得黃花共濁醪

仲秋二十一日雨後聞桂香東竹齋諸友
曉來滿國桂枝香明歲秋闈第一場明月當樓天廣
大疾雷破樹雨琳琅鬼神幽遠驚雄辨草木欣榮被
耿光於易已占觀六四真儒不數漢文章

訪羅元德隱居

春溪回曲抱郊墟新見幽人水竹居車馬不知行樂
地漁樵常近讀書餘一川風月閒來往終日雲雷妙
卷舒獨究塵編誰得似同游為記暮春初

憲副李顏帖木兒行部過訪

六月驅馳使者車城南詢問野人居韋編猶記成均
舊玉笋親分尚醞餘師友道存風義重山林歲久禮
文疎但期荒隴霑霖雨課子躬耕理故書

與易小雅

雨過橫塘早擊鮮西鄰宴罷到東園醉吟明月花枝
好坐對涼風桂樹繁玉雪汎甌留夕語銀絲分腕約
晨飡壽劄捲憶城南老每採芝苓過遠村

憲府集後書與紀長之

歲暮賓筵坐席深哀顏何足重為欽有嚴佐史加蓬
豆於粢升歌備瑟琴佇想虛煩求舊隱聞風實啓好
賢心誠字德合生民慶往昔誰容只在今

與陳維新

新公家在觀橋濱茅屋蕭然不染塵通夕跏趺光炯
炯經時神厚火勻勻一杯秋水留仙客半嶺春雲共
野人借問如何參絕學破除妄想不求真

答劉無作

南園隱者劉無作古木陰中戶不開惡客任攜袍緼
去化人又送飯盃來吟詩窓下猿供筆振錫林間虎
卧苔二十七人尊宿字夜深相對語如雷

答毛南楚惠書

華峯迎對浮丘伯故憶毛公共說詩良夜挂巾松上
露微風揮塵竹邊池近來有夢如春雪重到何人識
鬢絲此去相望三百里時因歸鴈問幽期

答陳明復

城頭雲重薦飛過憶得江南夜雨多茶樹嶺前雷破
石稻秧田裏水盈科何時短棹鱸尊菜盡日長松葛
女蘿賴有仙翁知此意不同樵唱即漁歌

保同監邑送桑本

樹桑親教縣庭隅分我深根四十株老客遂居連野
綠使君重到兩輪朱寒窓檨子依鄰曲春服兒童出
舞雩頗有薄田衣食計暮年歸夢在成都

陳幼德送竹本

竹似陳家好弟兄清陰秀色滿林生八龍天矯同瑤
席雙鳳參差和玉笙土潤已如含雨氣夜深便可聽

秋聲他年為作青青簡待爾明光獻賦成

謝董子道祭政

再世門墻五十霜扁舟風雨渡滄浪少陵生理憑黃閣孺子高亭歎豫章文與子舊游成寂寞廟廷新刻更琳琅惟應垂白江湖表北望風雲古柏蒼

謝馬昂夫總管

歲晏相看雨雪深一尊春酒故人心曾陪鷓鴣鳥俱塵迹晚托漁樵得共吟天上鳳毛還禁直人間鶴髮更登臨畫圖三友題名字漢隸還源老華陰

謝陳溪山慶生朝

自笑青年說學仙衰容那復更芳妍詩書塞坐忘謀食風雨長齋過禁烟有樂從教兒輩覺無言可與世人傳高情惟是希夷叟長住蒼松白鶴邊

謝劉伯温

世外高情與道謀欲令斷木出寒溝終身不敢窺韓子病目誰能念左丘生晚見聞慚禮樂業荒文學感春秋未忘垂白從耕稼鳴鳥高梧詠不休

謝胡士則

舊學子都忘老毛日侵故人千里忽相尋坐依敗壁看蚪蚪手撥殘編墮白蟬五色蓬萊前日夢一窓風雨百年心羣賢列坐書連屋至樂無餘祗在今

謝魯元起監縣

練廣前收疎

雨足時和縣事稀彈琴學道一練衣塵編得意常終
老匡坐思憂只掩扉壽母平上女充一喜古人高遠類
多違文章於世真何補每過六城南晚詠歸

謝楊士弘為錄居山詩藁

少日辭章浪得名歸歟樸學補餘生揚雄執戟能清
靜庾信凌雲愧老成游目山川誰妙識興懷河洛獨
高情殘編久棄知無用為錄幽泉絕澗聲

畫戟高門對碧岑公孫才思在登臨少陵不盡山林
詠季子偏知雅頌音貞觀詩人同制作太平樂府入
沉吟明年何處聽鳴鳳春盡直梧桐滿院陰

酬吳彤暨諸友如文

道園集卷三

四一

知愧空言惜已衰煌煌三石乃感靈芝山前雨過那堪
記水面風來祗自怡遠使徵書傳盛意良明定錄副
深期塵編盡淨遺虛几何補斯文與世知

贈義上人赴京

蕭灑澄江對寺門講餘江上看朝暎白龍起聽經函
秘紫鳳來朝佛像尊召見天神扶履舄還歸帝釋賜
幢幡故人十載靈芝秀去日兩山堂誰共論

贈張元朴

黃茅岡迴少人行目送飛鴻又晚晴塵尾每懷張伯
雨鷺羣今屬薛玄卿天回浩蕩高眠起夜雪空明老
翻輕黃石祠前好孫子吳教塵世苦知名

贈婁行所

三歲京華憶母歸，一丘岑蔚感春暉。
瀧岡墓表非無待，溧水哀吟恐自違。
疏食一簞嗟遠道，送車千兩念征衣。
中間名勝多知己，屬筆何由到草扉。
江上飛花已暮春，朝中憶爾渡江人。
共看傳燭分新火，更與臨流拔舊塵。
使者獻書歸館閣，尚書薦士到絲綸。
斗牛儘有光芒在，緩步行聞接鳳麟。

贈道士

神寶誰開自洞微，紫烟為戶玉為扉。
春容澹薄胎仙舞，夜景虛明脉望飛。
統指風雷龍睡醒，滿囊雲錦虎馱歸。
猶嫌長物煩聞見，更上高臺一振衣。

道園集卷三

四二

贈彭致中遊廬山

手持數節羅浮竹，直到棲賢三峽橋。
錦繡烟雲隨鳳起，珠璣宗瀑作龍跳。
陶潛菊徑須頻往，李白松巢亦易招。
我與山人俱有約，秋風更待海門潮。

贈高文舉

志士猶思及物功，尚施仁術於回書中。
江湖随地宜秋色，桃李成蹊任化工。
執轡幾時觀逸驥，揮弦聊復送飛鴻。
塵編舊業應無厭，八月明河九萬風。

贈道士鄒雲山

一片春雲萬仞山，六鰲戴向海波間。
金銀樓觀蒼龍戲，日月旌旗白鶴閒。
換骨有丹宜早服，虛心如水及

秋還九重元與蓬萊近看爾仙衣造玉班

舟中書贈吳彤

輕烟冉冉日曛曛好友相從一舸同白雪夜吟蘇武
悞清波晨動楚王雄天寒洲渚多嘉樹道遠江湖有
暮鴻不是新知相啓發歸歟恐負剌花叢

贈徐元度有序

昔時三公丞相掾有賓客之道焉參決論議皆國
事也接之有禮行之有道是以君子信之也國初
為丞相掾持文書論事可否職事有不得不然者
其後三公官備掾屬甚清簡時人尤貴之然而禮
貌輕重之間存乎其人矣毗陵徐君元度方弱冠

時學於吳中鄭明德氏文藝顯出識者有望焉某
於豫章見之則從事師垣出掾浙省而至於斯也
蓋二十有四年矣雍容有文進退以度識大體不
汨於流俗慎言敏行名實孚於上下鴻漸之羽翺
翔於天亦維其時也哉至正乙酉正月上吉將為
外宰相報政於中若夫方物之獻貢賦之數有司
之常事也在元度優為之矣明良在上願惠遠人
外將有問焉羣賢方以文學治道佐明時當有知
元度而進之者賦詩以送之

起家辟掾三公府拄笏西山度歲年故舊總懷天下
士風流更重幕中賢香烟滿袖遊絲夢春水如天上

計船三月看花鷓鴣裏題詩還向遠人傳

贈敬上人

二十遊方四十歸人民城郭捲依依雲生谷口為雷
去花滿林間作雨飛密室爛泥成寶器諸天劫石拂
鉢衣扁舟穩泛番陽水更問雲明莫莫機

贈鄒生

君唱銅鞮道更優我歌錦瑟送長游景純厠上灰飛
劫一行門前水逆流曾把僂翁而醫鶴要知衙將面
如猴譚天譚到八十一好問九州州外州

道興

千梳白髮度清齋有客柴門始一開書為目昏空對

簡酒因囊溫久停盃吐窓風雨長孤坐南海音書遂
不來壠上轂耕童樨輩強來問學丁樹哀頽

為熊舅初賦靜觀

睡覺東窓鼻息微水流不競落花稀風旛底用生分
別塵鏡何情辨是非春去蝶隨游子夢秋深螢入窠
僧衣可能袖手高閑者看到行雲作雨歸

滕王閣

高閣城頭戶牖開江中照見碧崔嵬文章誰在三王
後雲氣長從五老來畫角數聲南斗落白鹽禹斛北
風迴洲前先有蛟龍窟唯待詩成云雨催

玉華山

何處清江擁玉華，手題名榜寄仙家。
光凝石殿千年雪，影動銀河八月槎。
藏藥寶函騰玉氣，說詩瑤席散天葩。
奎章閣吏無能賦，得似新宮蔡少霞。

天峯道院

衆峯羅列總名山，更出岩峩紫翠間。
上直文星天柱中，含道氣玉重環。
臨池水月清秋老，繞閣烟霞白日閒。
溪上墨香傳遠客，令人思與鶴飛還。

次韻寄題象外道院

至人還作采真遊，海上何妨更九州。
雲氣低回依寶劍，月華臨照是瓊樓。
舊家孤竹清風在，今代三茅碧澗流。
凝望蕭臺環日月，不知何處問丹丘。

寄題三益亭錄呈仲義參謀

公府蒼松六百尋，古梅脩竹共亭陰。
歲寒先覺冰霜重，春永還知雨露深。
每得瓊瑰三益友，同堅金石一生心。
坐令方丈凝香地，千里嘉名起自今。

題梅仙峯與彭致中

羣仙山上共神宮，漢尉藏丹別有峯。
日下旂幡來碧落，雨餘鐘磬出深松。
蓬萊秋近雲常接，芝草春生手自封。
山木閣前閒拄杖，解尋樵迳遠相從。

題新喻吳氏浩然堂

古木澄波月色新，高亭携手兩幽人。
畫屏回樽如猶清，夜屋壁金絲幾暮春。
白髮諸孫隨草迳，寒泉一掬薦

溪蘋神交何必曾親到莫望高車一幅巾

制西憲郎武子宣監試秋闈

試官往往得鴻儒可以觀瀾在此書憲府優游從事
後貢闈閒暇校文餘虹光西起遊湖舫雲氣東隨問
俗車古者八元宣在五復明還見謁宸居

魯國趙公世延哀詩

西北聲名世節旌簪紳特起擅時髦百年憂患神明
相世務頻煩志慮勞春雨歸舟江水定秋天一作遺劍
雪山高東瞻松柏分茅重盛德終聞有顯褒

早歲江東接令儀中朝晚得近論思永懷王母傳經
訓直保孤忠結主知經濟尚多遺策在勤勞空復大

道園叢書三

四六

名垂每翻翰墨神交遠惆悵西州鼓角一作悲

故贈奉議大夫太常儀禮院判官壘陵范

公哀輓

名家積行子傳經夜接風雲對大廷一日文章驚海
內九重恩錫賁郊坰奉常天上新題字處士江南舊
列星何事瀧岡遲有待翰林翠琰倚香亭

題楊友直步鶴圖

羣仙玉殿早朝迴獨向空山步紫苔雪色羽毛千仞
下天門風露九重開碧梧空老人間實瑤草元非世
上村真侶相求寡廓去徐行更待鳳凰來

春雲亭

石上春雲向晚生，隨風暝日在簷楹。
莓苔翡翠千年潤，芝草琅玕五色明。
鶴為迎仙香冉冉，鹿能留客露盈盈。
盈盈深紅重碧長，千斛細詠清歌奉泰平。

題鄆陽胡仙伯活死人窩

大海何曾著死人，縱饒得活也逡巡。
中黃土底埋焦穀，太白星前掃幻塵。
銀漢槎頭成恍惚，布帆船子弄精神。
太平歌裏無生滅，惟有胡笳拍拍真。

寄題鄆陽李氏適軒

豫章出地已千尋，仙李盤根接翠陰。
曲水橋分雲錦麗，老人星見華堂深。
衣垂五綵看春舞，劍化雙龍聽夜吟。
借問高軒何所適，一門眉壽里人欽。

酬書巢送雉尾拂

一帚千金輯雉羣，巢公乞與掃塵扉。
翹膏不食慙金鼎，畫采為童憶翠衣。
宮扇每開春日麗，城旌常拂曙星微。
諸緣隨起隨除却，祇有無臺月鏡輝。

會宗海藏主來江西一日山雨稍涼同溽
安枯石見過復有還剎之興書偈為別并
柬一闕大士同獲一笑

試問師歸何處尋，稽留峰下白雲深。
長松正並樓臺秀，流水長交鐘磬音。
貝葉繞行西域字，寶珠一片祖師心。
天香桂子人間滿，擬約高秋一醉吟。

送文學隱上人

西江春漲欲浮天，擬覓何方一味禪。
渡海晨鐘雲外寺，乘潮晚飯越中船。
鉢分龍腦天香近，茶汎玻璃雪乳鮮。
文采已彰那可隱，芙蓉出水正華年。

送劍江復見心上人游徑山

臺山暮鴛直，勿岐羨雙徑。
峯前路不賒，若有劍光衝北斗。
更愁帆影落誰家，曲江水暖花千樹。
古道秋高月一槎，記取題詩相送處。
鷺絲和雪立蘆花。

重贈復見心游浙兼簡張貞居

春雨西江漲百川，袈裟又上浙東船。
行尋龍臥雲生徑，坐聽猿吟月浸泉。
客裏有詩煩為寄，山中何法可相傳。
故人或者詢張拙，鼻涕垂頰雪兩肩。

梅庭詩為李重山賦

高人獨愛寒梅樹，相對庭中作主人。
盤谷泉甘來素履，長安日近接朱輪。
瓊瑤比德懷新好，鐵石為心憶老臣。
傳得朝紳詩，恣好揚州何遜父逡巡。

送戈伯敬東訪伯循御史就遊京師

扁舟重訪瓊花館使者還我多角冠定有薦書天上
去豈無懷綬邸中看宮墻隔樹聞鷓鴣轉朝路聽鷄上
馬鞍頻寄好音傳父老鄉人總解望長安

與侯頤軒

道士侯頤軒其先本蜀人父

從我大父尚書

府君來吳中宗云弗歸頤軒乃學道于洞庭之
仙壇觀集來省墓嘗抱先叔祖岳陽使君遺書
與閒白雲來見集不勝感歎故贈之以詩

洞庭高士成都客曾是相從大父時每抱遺書嗟往
事復貽妙句樂新知鴛鴦影裏心元靜鷗鷺盟邊願
不疑但得閒身各安健白頭歸共橘中碁

題商德符蜀山圖

每愛商公寫蜀山蒼崖直下竹林間錦城雨後江沙
白劍閣霜餘木葉殷何處揚雄池盡墨誰家杜甫月
臨關釣鼉海上天空闊待得仙槎一往還

道園遺藁卷之三



